



COMISIYNYDD  
HEDDLU A THROSEDDU  
DYFED-POWYS  
POLICE AND CRIME  
COMMISSIONER

## TAFLEN CRYNHOI PENDERFYNIAD

**Diben:** Penderfyniad y Comisiynydd – Cyf. DLI100

**Amseru:** Arferol

**Teitl:** Digwyddiad Ymgysylltu Tregaron

**Categori Penderfyniad / Effaith Maes Busnes:** Ymgysylltu

### **Crynodeb Gweithredol:**

Yn dilyn argymhellion yr HMIC yn 2017, cynigodd Carys Morgans, Pennaeth Staff y Comisiynydd, a'r Prif Gwnstabl Cynorthwyol Dros Dro Vicki Evans (Prif Arolygydd ar y pryd) ein bod yn datblygu prosiect ymgysylltu ar y cyd; er mwyn edrych yn benodol i weld a yw'r Timau Plismona yn y Gymdogaeth yn ymdrin â phethau sy'n bwysig i bobl yn eu hardaloedd. Cwestiwn cyffredinol y darn hwn o walth yw: "sut olwg sydd ar elch cymuned?" Y nod i gychwyn oedd y byddai'r prosiect ymgysylltu hwn yn ein galluogi i gynnal diwrnodau ymgysylltu cynhwysfawr i ymgynghori ag amrywiol gymunedau a grwpiau cymunedol, er mwyn nodi materion a phryderon plismona lleol penodol.

Y cynllun hirdymor yw cynnal prosiect treigl o ddiwrnodau ymgysylltu ledled ardal Dyfed-Powys. Y cynllun byrdymor yw treialu'r dull hwn mewn un gymuned yn Nyfed-Powys. Mae Tregaron wedi cael ei henwebu fel cymuned i'w threllau, ac mae hyn yn bennaf oherwydd gwybodaeth a ddarparwyd gan drigolion Tregaron drwy waith OpCynefin a wnaed gan dîm cyfathrebu corfforaethol Heddlu Dyfed-Powys, h.y. nad oedd preswylwyr Tregaron yn telmlo eu bod yn cael gwybod am faterion plismona lleol ac a oedd yr heddlu'n mynd i'r afael â nhw. Roedd y mwyafrif am gael gwybod mwy am blismona lleol.

Amlygwyd materion amrywiol drwy OpCynefin, ac nid oedd pob un yn gysylltiedig â gwasanaethau a ddarparwyd gan yr heddlu. Felly, y bwriad yw mabwysiadu dull ymgysylltu cydweithredol, a gwahoddir amryw o bartneriaid i fod yn rhan o'r diwrnod ymgysylltu a grybwyllir uchod.

### **Argymhelliad:**

Treialu'r dull ymgysylltu cymunedol hwn yn Nhregaron, ac os yw'n llwyddiannus, ailcreu'r diwrnod mewn gwahanol gymunedau ledled Dyfed-Powys.

### **Comisiynydd Heddlu a Throseddau Dyfed-Powys**

Cadarnhaf fy mod wedi ystyried a oes gennyf unrhyw ddi-ddordeb personol neu sy'n rhagfarnu yn y mater hwn a fy mod wedi gwneud y penderfyniad arfaethedig yn unol ag Egwyddorion Nolan ar gyfer Ymddyglad mewn Bywyd Cyhoeddus.

Rwy'n cymeradwyo'r cais uchod.

**Llofnod:**

**Dyddiad:**

17/1/2019